



Sarajevo, 15. januar 2025.  
BROJ: 05/25

Sindikat radnika trgovine  
i uslužnih djelatnosti BiH

Federacija BiH  
Ekonomsko socijalno vijeće  
N/P Delegaciji Sindikata

**Predmet: Zahtjev za zastupanje**

Poštovane kolegice i kolege, članovi delegacije Sindikata pri ESV,

U ime članova i članica STBIH, ali i svih radnika i radnica u trgovini u FBiH čiji ste vi glas u ovom za nas jako važnom tripartitnom tijelu, a ponukani reakcijama u javnosti izazvanim povećanjem minimalne plaće u FBiH, ovim putem Vas molimo da zajedno sa ostalim partnerima, a u sklopu planiranih mjera i inicijativa uzmete u obzir i stavove i želje radnika i radnica u trgovini, te nas kao njihovih predstavnika iz STBIH.

Veoma smo obradovani odlukom Vlade FBiH da konačno ispuni obećanje koje je dala radnicima prilikom preuzimanja mandata. Međutim, istovremeno smo zabrinuti kako reakcijama u javnosti tako još više mogućim implikacijama i negativnim efektima koji se najavljuju. Svjesni smo da je Vlada FBiH zajedno sa ovim obećanjem dala i obećanje da će smanjiti poreze i doprinose na plaću, te da će to biti dva paralelna procesa. I sami smo kao sindikat zagovarali rasterećenje privrede, a u cilju povećanja plaća. Kako se to nije desilo, razumijemo i reakciju poslodavaca, ali i bojazan ekperata. Iz tog razloga se nadamo da ćete zajednički sa Udruženjem poslodavaca, te predstavnicima Vlade FBiH naći rješenja za prevazilaženje ovih negativnih posljedica, ali i osigurati da ne dođe do tektonskih poremećaja na tržištu rada u vidu smanjenja nekih drugih primanja i prava, prekida trajanja Kolektivnih ugovora kao najvažnijeg mehanizma zaštite prava i obaveza poslodavaca i radnika, ali i eventualnih zloupotreba prilikom isplate minimalnih i ostalih plaća i primanja radnika

Vjerujemo da naši predstavnici imaju kapacitet i snagu da dostojno zastupaju interese svih radnika i radnica, a posebno onih iz realnog sektora kojih se ovo najviše i tiče te da ćete zajednički sa ostala dva partnera vrlo skoro izaći sa prijedlozima i mjerama koje će osigurati isplatu novog iznosa minimalne plaće za radnike koji rade za tu plaću, ali i povećanje i drugih plaća i primanja u skladu sa porastom troškova života.

U tom smislu imate punu podršku STBIH da do tih rješenja dođe što prije i na što konstruktivniji način.

Srdačan pozdrav!

Mersiha Beširović  
Predsjednica

